



CANTON SARAJEVO
Cantonal Civil Protection Administration
Operational Center

Broj: 22-04-44-1-76/19
Sarajevo, 18.03.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 15.03.2019. do 07:00 sati 18.03.2019. godine

U izvještajnom periodu Kantonalni operativni centar civilne zaštite primio je jednu informaciju o pronalasku NUS-a i to dana, 15.03.2019. godine u 08:25 sati od Općinske službe civilne zaštite Hadžići, da je u naselju Hadžići pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozivno ubojno sredstvo preuzeti u narednom periodu.

Profesionalna vatrogasna jedinica Kantonalne uprave civilne zaštite Kantona Sarajevo:

U izvještajnom periodu pripadnici Profesionalne vatrogasne jedinice imali su jednu veću i 48 manjih intervencija. Veću intervenciju su imali dana, 17.03.2019. godine u 15:04 sata u ul. Alije Nametka br. 19., Općina Stari Grad, gdje je došlo do požara na privatnoj kući. Požar je lokalizovan u 15:28 sati, a likvidiran u 17:49 sati. U gašenju požara učestvovalo je 15 vatrogasaca sa četiri vatrogasna vozila. Nije bilo povrijeđenih lica. Pričinjena je materijalna šteta.

Manje intervencije su bile slijedeće: 27 intervencija na gašenju trave i niskog rastinja, devet intervencija na gašenju zapaljenog smeća u kontejneru, dvije intervencije na gašenju zapaljenih električnih stubova, jednu intervenciju na gašenju zapaljenog dimnjaka, jednu intervenciju na gašenju zapaljenog smeća u napuštenom devastiranom objektu, jednu intervenciju na gašenju požara u vjerskom objektu – kapelici, četiri tehničke intervencije (otvaranje zaglavljenih vrata, sapiranje platforme na



Međunarodnom aerodromu Sarajevo, sapiranje saobraćajnice nakon saobraćajnog udesa i otvaranje vrata stana po zahtjevu policije) i tri obezbjeđenje sportskih događaja.

NAPOMENA: U protekla 24 sata pripadnici Profesionalne vatrogasne jedinice imali su jednu veću i 25 manjih intervencija. Veća intervencija je bila na gašenju privatne kuće u ul. Alije Nametka br. 19., a manje intervencije su: 18 intervencija na gašenju trave i niskog rastinja, četiri intervencije na gašenju zapaljenog smeća u kontejneru, jednu intervenciju na gašenju električnog stuba i dva obezbjeđenja sportskih događaja.

JU Zavod za javno zdravstvo Kantona Sarajevo: U periodu od 04.03.2019. do 10.03.2019. godine ukupno je na području Kantona Sarajevo prijavljen 71 slučaj zaraznih bolesti obaveznih prijavi, i to: pet angina streptoc. (streptokokna angina), sedam enterocolitis ac. (enterokolitis), devet herpes zoster (šindre), jedan HBV (hepatitis B), dva mononucleosis (mononucleoza), 32 morbilli (ospice), tri nosocomial infections (bolničke infekcije), sedam scabies (svrab, šuga), tri scarlatina (šarlah), jedan TBC (tuberkuloza) i jedan toxiinfectio al. (trovanje hranom).

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila 8°C, vlažnost zraka 61%, barometarski pritisak 940 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1